



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritualem Pharmacorum Contra Litem Contagiosam Aliosque Morbos

Wichmans, Augustin

Antverpiae, 1626

Cap. LXIII. Orationem solam contra pestem non multum praestare.

urn:nbn:de:hbz:466:1-9653

rerum abusus, ex genere suo peccatum mortale, maxime quando opus externum est superstitiosum. Ratione tamen ignorantia & bonae fidei plerique excusantur à mortali, sicuti multi Aethiopes excusari possunt hodie qui circumciduntur, putantes se per hoc Christum imitari, quia sic instituuntur à suis Episcopis & Sacerdotibus, nec unquam contrarium audiuerunt. Secus est de Christianis quibus saepe ignorantia crassa vel dolus imponit, ut si moniti à Parochis suis vel alijs quibus tenentur credere, nolint disistere, vel suborto dubio non inquirant. Plura de his vide apud Lessium & alios similia: ex professo tractantes. Est autem Superstitio generatim dicta, falsa religio, id est, vitiosus cultus veri vel falsi numinis. unde patet duas esse species in quas immediate illa dividitur: Superstitionem scilicet cultus indebiti seu incongrui, & Superstitionem ratione rei cultae. illa est cultus peruersus veri numinis: haec est cultus falsi. dupliciter siquidem in cultu excedi potest. vel enim assumitur id quod non congruit: vel exhibetur ei cui non congruit. Hoc interim denuò addo, plerosque saltem rusticos in plurimis suis à superstitione, licet in speciem talis videatur, excusari, ratione bonae fidei.

Less. l. 2.
c. 43 de
Superst.

C A P. LXIII.

Orationem solam contra pestem non multum praestare.

Hactenus de Oratione & de Sanctis illis egimus qui tamquam particulares pro auertenda peste parochiali Tutelares, eam grassante per orationes apud Deum inuocandi sunt, Sed non omnis qui dicit mihi; Domine, Domine, propter hos statim exaudietur: sed qui facit voluntatem

voluntatem Patris qui in cœlis est, Sciendum namque dixisse S. Cyprianum, deprecationes solas ad impetrandum parum valere nisi factorum & operum accessione farciantur. Adesse se promittit Dominus (alludit ad illud Isaia 58. Tunc inuocabis & Dominus exaudiet, clamabis & dicet, „ Ecce adsum) & audire ac protegere se eos qui iniustitiarum „ nodos (dissolue colligationes impietatis, solue fasciculos „ deprimētes, dimitte eos qui cōfracti sunt liberos, & omne „ onus dirumpe) de corde soluentes & eleëmolyas circa „ domesticos Dei secundum eius præcepta facientes (frange „ esurienti panem tuum & egenos vagosque induc in domum tuam. cum videris nudum operi eum, & carnem tuam „ ne despexeris) dum audiunt quod Deus præcipit fieri, ipsi quoque à Deo merentur audiri, & paulò antè. Orantes non infructuosas nec nudas precibus ad Deum veniant. inefficax petitio est cum precatur Deum sterilis oratio. nam cum omnis arbor non faciens fructum, excidatur & in ignem mittatur: utique & sermo non habens fructum, promereri Deum non potest, qui nullâ est operatione fecundus. & ideò Scriptura diuina instruit dicens: *Bona est oratio cum ieiunio & eleëmofyna* nam qui in die iudicij præmium pro operibus & eleëmofynis redditurus est, hodie quoque ad orationem cum operatione venienti benignus auditor est. *Corneli orationes tuæ & eleëmofyna ascenderunt in memoriam coram Deo.* Sic & Raphael Tobia oranti & semper operanti testis fuit dicens: *Quando orabas tu & Sara, ego obtuli memoriam orationis vestræ in conspectum claritatis Dei. & cum sepelires tu mortuos simpliciter, & quia non es cunctatus exurgere & derelinquere prandium tuum, &c misit me Dominus curare te & Saram nurum tuam.* ita Cyprianus. Quæ cum vera sint quid putas ad impetrandum valebunt solæ deprecationes si peccatis insuper maculentur? annon referent illud Isaia: *Cum multiplicaueritis orationem*

Isa. 58.

Tob. 12.

A. 2. 10.

cap. 21.

orationem

orationem non exaudiam? manus enim vestra sanguine plene sunt, id est, pleni estis peccatis & malis operibus.

Sanguis enim apud Prophetas. symbolum peccati est, & peccati grauioris, ita Osee 4: *Sanguis sanguinem tetigit*, id est, peccata peccatis cumulant, vt explicat S. Hieron. & Gregor. lib. 13. Moral. cap. 6. Sanguis sanguinem tangit, cum culpa culpam cumulauerit. Rectè itaque docet Tertull. verendum esse ne aures Dei tam longè absint à precibus nostris, quàm longè nostræ aures ab eius præceptis.

*Psal. 65.
Psal. 33.*

Si aspexi iniquitatem in corde meo, non exaudiet Dominus, faterur sanctissimus Propheta regius. nan. Oculi Domini super iustos, & aures eius in preces eorum. Si manserit is in me & verba mea in vobis manserint, quodcumq; uolueritis petitis & fiet vobis,

10a. 15.

docet nos ipse dator omnium Christus. Sed fortasse subuenient nobis eo casu implorata Sanctorum suffragia. Credo; non autem nisi ad penitentiam vel frugem si non traductis, saltem conuersis. debent enim, inquit August. Martyres aliquid in nobis de suo inuenire, vt dignentur pro nobis supplicare: vsque adeò vt pro ratione conuersionis vel sanctæ conuersionis Sanctorum suffragia nobis plus minùsue profint, dicente Ambrosio: Moderante illo qui pensat vota tua & dispensat munera sua, in tantum vicina præsentia præbebitur fidelis aduocati, in quantum fuerit fides deuota à Sanctis in patrocinium suscepti. oratio enim quæ castitatis, iustitiæ, eleëmolybarum operibus adiuuatur, excedit mundum, penetrat paradysum, euolat vsque ad ipsum summæ Maiestatis, Angelo deferente, conspectum. Quòd ergo è tot Sanctorum inuocationibus, tot inplorationibus & supplicationibus nullus appareat subinde prouentus, hæreticis quidem in scandalum, nobis verò euadit in confusionem; illi enim inde conficiunt Sanctorum inuocationem vanam esse ac superstiosam: nos verò inde arguimur conuersionem ducere Sanctorum

Sanctorum moribus difforem, & ob id eorum patrocinijs indignam. bene siquidem & verissimè S. Bernardus : Vt impetres Sanctorum suffragium ne deseras conuersationis eorum exemplum. Lauamini ergo, mundi estote, aufer-
te malum cogitationum vestrarum ab oculis meis, quiescite agere peruersè, discite bene facere, tunc exaudiet & dicet, Ecce adsum. Si abstuleris de medio tui catenam impietatis; cumque te cõsumptum putaueris, orieris vt Lucifer. Aliàs exprobrabit nobis Ecclesiæ hostis quod Sacerdotibus Baal olim exprobrauit propheta Elias: *Clamate voce maiore: Deus enim est, & forsitan loquitur, aut in diuersorio est, aut in itinere, aut certe dormit vt excitetur.* Faxit Deus vt quicumque hæc legerint fructum illum consequantur quem fornicator ille confectus est, qui cum iam dicta verba, Lauamini, mundi estote, &c. in Ecclesia legi audiisset, compunctus toto corde, conuersus est & vitam incestam in castam commutauit.

An ergo Deus peccatores numquam exaudit, & numquam illi quod petunt impetrant impediens peccatis eorum? An non Christus in Euangelio sub parabola iniqui iudicis nobis promittit: *Dico vobis & si non dabit illi eò quod amicus eius sit, propter improbitatem tamen eius surget & dabit ei quotquot habet necessarios?* ita est, promittit & dat quotidie multis peccatoribus quæ ab eo postulant: sed extraordinaria hæc gratia est, non certo, non indubitato iure fundata, neque etiam omnibus communis. si enim voluntariè permanent in peccato, ordinariè non exaudiuntur (scimus enim quia peccatores non exaudit, certâ lege scilicet, & in peccatis manentes: sed si quis cultor eius est hunc exaudit nisi melius quidpiam aut ad suam gloriam iustumve iudicium vel illorum salutem conuenientius prouideat) iustum enim est vt qui

3. Reg.
cap. 18.

Luc. 11.

vt qui Deum præcipientem & docentem audire contem-
nunt, eos orantes & supplicantes Deus quoque despiciat.

Num. 11.
Tract 73.
12 Ioan.

Interdum tamen exaudiuntur vel ad iudicium vel ad mi-
sericordiam, quosdam enim Deus audit vt puniat, quem-
admodum audiuit Israelitas petentes carnes in deserto.
Metuendum est, inquit August. ne id quod posset non da-
re propitius, det iratus. quædam tamen extraordinariâ

Lib. 1. de
bon. oper.
cap. 9.

quadam benignitate concedit etiam peccatoribus, vt eos
beneficijs ad sui amorem alliciat, in funiculis Adam, in
funiculis caritatis. Vide plura apud Bellarm. de conditio-
nibus efficacis orationis ad impetrandum. Vis igitur con-
tinuò audiri à Deo, audi tu continuò eum, ne dicatur tibi:

Prou. 28.

*Qui declinat aurem suam ne audiat legem, oratio eius erit ex-
ecrabilis.* Et certè quomodo obtinebunt solæ orationes
peccatoris, cum etiam adiunctâ intercessione Sanctorum
affirmet Deus se non exauditurum? *Si steterint Moses &
Samuel coram me, non est anima mea ad populum istum. Tu
ergo noli orare pro populo hoc, & non obsistas mihi, quia non ex-*

Ierem. 7.
& 15.

audiam te. Orationes itaque nostræ bonis operibus infar-
ciendæ sunt; citò enim ad Deum perueniunt, quas merita
nostri operis imponunt, eò quòd efficacissima ad exorandũ
Deum sit postulatio, cui pietatis opera, inquit Tertull. suf-
fragantur; aliàs nuda folia sine fructibus, nudas pelles non
iplos vitulos labiorum nostrorum Deo offerimus, pellis si-
quidem sine carne est oratio sine bono opere. idque solùm
restat, vt audiamus quod Lacon dicebat ad cantantem Lu-
ciniam: *Vox es, & aliud nihil.*

C A P.